




Wie Dankwart  
Gelfraten schwach

XXVI. Auentiure.

**D**o si nu waren chomen alle offe den sant.  
der kvenech begonde vragende wer sol vns durch das lant.  
di rechten wege wifen das wir niht irre varn.  
do sprach der starche Volker das sol ich eine bewarn.



Nu enthaltet ouch sprach Hagene ritter unde chnecht.  
man sol frunden volgen ia dunchet ez mich reht.  
vil ungesvegiu märe diu ton ich iu bechant.  
wir enchomen nimmer in Burgonden lant.

Daz sageten mir zwei merwip hviute morgen frv.  
daz wir niht chomen widere nu rat ich was man tv.  
daz ir ouch waffent helde ir sult ouch wol bewarn.  
wir han hie starche fiende daz wir gewärlliche varn.


Ich wande an logen finden diu wilden merwip.  
si iahen daz gesvnder vnser deheines lip.  
wider ze lande chöme niwan der kappelan.  
dar umb ich in wolde so gerne hviut extrenchet han.

Do slugen disiu märe von schare ce schar.  
des wrden snelle helde vor leide missfevar.  
do si begonden sorgen vf den herten tot.  
an dirre hove reise des gie in wärlliche not.

Da ze Möringen si waren veber chomen.  
da dem Elsen vergen der lip was benomen.  
do sprach aber Hagene sit daz ich fiende han.\*  
an dirre vart erworben. wir werden sicherlich bestan.

Ich swooch der herren vergen. hviute morgen frvo.  
si wizen wol diu märe. nu griset balde zvo.  
ob Else vnt Gelpfrat. noch hviute hie bestat.  
vnser ingesinde. daz ez in schedelich erge.

Ich erchenne si so chvne. ez wirdet niht verlan.  
diu ros diu sult ir lazen. deste sanfter gan.  
daz des iemen wäne. wir vlichen vf den wegen.  
des rates soln wir volgen. sprach da vil maniger chvner degen.



Wer sol nu das gefinde. wifen vber lant.  
si sprachen das tuo Volker. dem sint hie wol bechant.  
stige vnt straze. der chune spileman.  
e' das manz gespräche. do sah man wol gewafent stan.

Den snellen videläre. den helm er vf gebant.  
in herlicher varwe. was al sin wich gewant.  
er bant och zeime scafte. ein zeichen das was rot.  
sit chom er mit den chonigen. in eine grosliche not.


Do was tot des vergen. nu Gelpfrate chomen.  
mit eime waren märe. do het iz och vernomen.  
sin brooder Else. ez was in beiden leit.  
si sanden nach ir degenen. die waren schiere bereit.

In vil churcen citen. als wir vernomen han.  
sah man da zu zin riten. die heten scaden getan.  
instarchem vrliebe. vil vngesugiv ser.  
der chomen Gelpfrate. wol siben hundert oder mer.

Do si ir grimmen vinden. begunden riten nach.  
ia leiten si ir herren. den was ein teil zegach.  
nach den chonen gesten. si wolden anden zorn.  
des wart der herren frivnde. sider mere verlorn.

Do het der wise Hagene. wol gesuget das.  
wie mohte siner frivnde. ein helt gehuten baz.  
er pflac der nach hvote. mit sechzech siner man.  
vnt Danchwart sin broder. das was vil wislich getan.

In was des tages zeronnen. des heten si niht mer.  
er vorht an sinen frivnden. leit vnt ser.  
si riten vnder schilden. durch der Beyer lant.  
dar nach in churcen stonden. die helde wreden an gerant.



Beidenthalp der strazen. vnt hinden vaste nach.  
hvoßflege si horten. dem volche was zegach.  
do sprach der chvne Danchwart. man wil hie vns bestan.  
nv binden vf die helme. daz ist ratlich getan.

Si hielten ab ir verte. als ez do mwose sin.  
si sahen inder vinsten. der liechten helme schin.  
done wolde Hagene. niht langer si verdagen.  
wer iagt vns vf der straze. daz mws im Gelpfrat do sagen.


Do sprach der marcgrave. vzer Genertlant.  
wir haben vnsern vinden. da her nach gerant.  
ine weiz niht wer mir hote. minen vergen svoc.  
der was ein helt zen handen. daz ist mir leide genvoc.

Do sprach von Tronege Hagene. was der verge din.  
der enwolde vns niht foren. des ist dir schulde min.  
do svog ich dinen vergen. deiswar des gie mir not.  
ich hete von dem degene. vil nach gewinnen den tot.

Ich bot im mine miete. golt silber vnt gewant.  
daz er vns ober forte. her in iwer lant.  
daz mote in harte sere. in zorne er mich do svoc.  
mit einer starchen schalten. vil wenic ich im do vertrvoc.

Do kom ich zvo dem swerte. vnt wert im sinen zorn.  
mit einer starchen wnden. des wart der helt verlorn.  
daz bringe ich in zedone. swie ich nv donchet gvot.  
do giengez an ein striten. si wrden zornic gemvot.

Ich wistez wol sprach Gelpfrat. do hie fver gereit.  
Gvnther mit den sinen. daz vns geschehe leit.  
von Hagen vbermvete. nv enfol er niht genesen.  
fvr des vergen ende. sol er pfant hie wesen.



Si neigten ober schilde. ze stiche die starcken sper.  
Gelpfrat vnt Hagene. in was zein ander ger.  
Else vnt Danchwart. ooch ze samne riten.  
in vil hohem mvote. da wart grimme do gestriten.

Wie chunden sich versochen. immer helde baz.  
von eime starcken schafte. hinder orf gefaz.  
Hagene der chvone. vor Gelpfrates hant.  
im braft das forvvege. do wart im vallen bechant.

Von ir ingesinde. der chrach der scheffte schal.  
do erholt ooch sich dort Hagene. der e' des was zetal.  
chomen von der tioste. nider an das gras.  
er wän vnänfstes mvotes. wider Gelpfrate was.

Wer in die rof behielte. das ist mir vnbechant.  
si warn von den sätelen. chomen vf den sant.  
Gelpfrate vnt Hagene. ein ander liefen an.  
des holfen ir gesellen. da wart striten getan.

Swie chrestechlichen Hagene. zwo Gelpfrate sprach.  
der edel margrave. des schiltes hin im swanch.  
wol gegen einer ellen. das fiure dräte dan.  
des was vil nach erstorben. des kunich Gunthers man.

Do begunder rvesen. Danchwarten an.  
hilfa lieber brooder. ia hat mich bestan.  
ein rechter helt zen handen. ern lät mich niht genesu.  
do sprach der chvone Danchwart. des schol ich scheidere wesu.

Do spranger dar vil balde. vnt slog im einen slac.  
da von der herre Gelpfrat. vor im tot gelac.  
Else wolde gerne. rechen do den man.  
sit mufer schedeliche. mit den sinen cheren dan.

Im was erlagen der brooder. selbe was er wnt.  
wol ahzech finer degene. beliben an der stont.  
mit dem vil grimme tode. Else muße dan.  
flvhtechliche wenden. daz heten geste getan.

Do die von Bajerlanden. wichen vf dem wege.  
do horte man noch hellen. die vreislichen flege.  
do iageten die von Tronege. ir vianden nach.  
die ez niht engelten wanden. den was allen zegach.

\*Do sprach an der flvchte Danchwart der degen.  
wir soln wider wenden balde vf disen wegen.  
vnd laze wir si riten si sind von blote naz.  
gahe wir een frivnden ich rate wärlichen daz.

Do si hin wider chomen da der shade was geschehen.  
do sprach von Tronege Hagene helde ir sult besehen.  
wef vns hi gebrefte oder wen wir han verlorn.  
hi in disem strite dorh den Gelpfrades zorn.

Si heten vloren viere di mußen si ver chlagen.  
di waren wol ver goltten da wider was erlagen.  
der von Bajerlande hondert oder baz.  
des waren den von Tronege ir schilde trebe vnd blotes naz.

Ein teil schein v3 den wolchen des liechten manen prehen.  
do sprach aber Hagene niemen sol veriechen.  
den minen lieben herren was wir hi han getan.  
lant siw vnze morgen ane forge bestan.

Do si nu nach in chomen di dort striten e'.  
do tet dem in gefinde diu muede harte we.  
wi lange sol wir riten sprach manich man.  
do sprach der chvne Danchwart wir mvgen niht herberge han.

Ir muozet alle riten vnz ez werde tach.  
Volker der snelle der des gefindes pflach.  
bat den marschalch vragen wa sol wir hinte sin.  
da geraften vnser möre vnd ovch di liebn herren min.

Do sprach der chvne Danchwart ine chans iv niht gesagen.  
wir en muogen niht gervven e' iz beginne tagen.  
swa wirz danne vinden da legen vns an ein gras.  
do si diu märe horten wie leit in swemelichen was.


Si beliben unverneldet des heizen blotef rot.  
vnz das diu sonne ir lichte schinen bot.  
dem morgen veber berge das ez der kvenich sach.  
das si gestriten heten der helt vil zornechlichen sprach.

wi nu frivnt Hagene iv wän verfmahet das.  
das ich pi iv wäre da iv di ringe naz.  
svs wrden von dem blote wer hat das getan.  
er sprach das tet Else der hat vns nehten bestan.

Dorch den sinen vergen wir wrden an gerant.  
da sluch Gelpfraten mins broder Danchwarten hant.  
sit entran vns Else des twang in michel not.  
in hondert vnd vns viere beliben in dem strite tot.

Wir chonen niht bescheiden wa si sich leiten nider.  
alle di landliote di gevriffhen sider.  
das ze hove foren der edeln Vten chint.  
si wrden wol enpfangen da ze Pazovve sint.

Der edeln chvnege oheim der bisshoff Pilgrin.  
dem wart vil wol ze mvte do di neven sin.  
mit also vil recken chomen zv zim in das lant.  
das er in willech wäre das wart in schier bechant.



Si wrden wol empfangen von vriunden vf den wegen.  
da ze Pazouwe man chonde ir niht gepflegen.  
si wofen veberz wasser da si fonden velt.  
da wrden vf gespannen hotten vnde gecelt.

Si wofen da beliben allen einen tach.  
vnt oveh di naht mit vollen wi schon man ir pflach.  
dar nach si wofen riten in Kvedegeres lant.  
dem wrden oveh diu märe dar nach vil schiere bechant.

Do di wegemveden rovve genamen.  
vnde si dem lande naher quamen.  
do fondens vf der marche slaffende einen man.  
dem von Tronege Hagen ein starchez waffen an gewan.


Ja was geheizen Eckewart der starche ritter got.  
er gewan dar umb einen trorigen mot.  
da er verlos daz waffen von der helde vart.  
di march Kvedegeres di fondens vebele bewart.

O we mir dirre schande sprach do Eckewart.  
ia rivot mich vil fere der Gorgonden vart.  
sit ich Sifride vlos sit was min freude cer gan.  
owe herre Kvedger wi han ich wider dich getan.

Do hort vil wol Hagene des edelen recken not.  
er gab im wider sin waffen vnd sehs pouge rot.  
di habe dir helt ce minnen daz do min freivnt sifst.  
do bist ein degen chvone swie eine do vffe der marche list.

Got lon iv iver pouge sprach do Eckewart.  
doch rivot mich vil fere zen hionen iver vart.  
ir sloget Sifriden man ist iv hie gehaz.  
daz ir ivch wol behvetet an triwen rat ich daz.





Nu wese vns got behoeten sprach do Hagene.  
ian hant niht mere forge dise degene.  
wan umb di herberge di chuenige vnd ouch ir man.  
wa wir in disem lande noch hinte naht selde han.

Die ross sint vns ver dorben vf den herten wegen.  
vnt der spise ce ronnen sprach Hagen der degen.  
wir finden is ninder veile vns wäre wirtes not.  
der vns noch hinte gäbe durch sine togende sin brot.


Do sprach aber Eckwart ich zeih iv einen wirt.  
daz ir ze huse selten so wol bechomen birt.  
in deheinem lande als iv hi mach geschehen.  
ob ir vil snelle degene wellet Kvedgern sehen.

Der sizet vf der straze vnd ist der beste wirt.  
der ie chom ce huse sin herce togende birt.  
also der suoze meye daz gras mit blumen tot.  
swenne er sol helden dienen so ist er vrölich gemut.

Do sprach der kvenech Ewenther welt ir min bote sin.  
ob vns welle enthalten durch den willen min.  
min lieber frivnt Kvedger mine mage vnd vnser man.  
daz wil ich immer dienen so ich aller beste chan.

Der bote pin ich gerne sprach do Eckewart.  
mit vil gutem willen hvb er sich an di vart.  
vnd sagete do Kvedgere als er het vernomen.  
im was in manigen ziten niht so lieber märe chomen.

Man sah ce Bechelaren ilen einen degen.  
selbe erchande in Kvedger er sprach vf disen wegen.  
dort her gahet Eckewart ein Criemhilde man.  
er wande daz die viende. im heten etewas getan.



Do gie er for die porte. da er den boten vant.  
daz swert er von im gorte. vnt leit ez von der hant.  
er sprach zu dem degene. was habt ir vernomen.  
daz ir also fere. hat vns iemen iht genomen.

Vns hat geschadet niemen. sprach Eckewart zehant.  
mich habent dri kunige. her zuo zu gesant.  
Gunther von Burgonden. Gifelher vnt Gernot.  
der rechen ieslicher. in sinen dieneft her enbot.


Daz selbe tvot her Hagene. vnt ovch Volker.  
ir dieneft willechliche. noch sage ich in mer.  
daz in des kuniges marschalch. Dancwart daz enbot.  
daz den guten degenen. wer iwer herberge not.

Mit lachendem munde. sprach do Rodeger.  
nu wol mich dirre märe. daz die kunige her.  
miner herberge vrochent. diu wirt in niht verseit.  
chöment si mir zehofe. mit dienste bin ich in bereit.

Uoch hat des kuniges marschalch. heizen wissen lan.  
wen ir zeherbergen. noch hinte muzet han.  
sehzech chüner rechen. vnt tosent ritter gvot.  
vnt niun tosent knehte. do wart er vrölich gemvot.

So wol mich dirre geste. sprach do Rodeger.  
daz mir choment zehofe. die rechen also her.  
den ich noch vil selten. iht gedienet han.  
nu riten in begegene. mine mage vnt man.

Von gahen zu den rossen. huop sich da michel not.  
von rittern vnt von knechten. der wirt do gebot.  
den sinen ambtloten. si schoffenz deste baz.  
noch enwiftes niht frow Gotelint. diu in ir kemenaten saz.



Do gie der marcgrave. da er die frowen vant.  
sine wip vnt sine tohter. do sagter in zehant.  
div vil lieben märe. div er hete vernomen.  
daz ir frowen broder. ir zehuse solden chomen.

Vil liebiv trotinne. sprach do Rodeger.  
ir solt vil wol enpfahen. die edeln kunige her.  
so si mit ir gesinde. for ouch zehove gan.  
ir solt ochvch schone gruzen. Hagenen Gunthers man.

Mit in chomt ochvch einer. der heizet Dancwart.  
der ander heizet Volker. an zohthen wol bewart.  
die sehse solt ir chuffen. ir vnt div tohter min.  
vnt solt ochvch bi den degenen. in zvehthen grözliche sin.

Daz lobten do die frowen. vnt warens vil bereit.  
si sohthen v; den kisten. div maniger hande chleit.  
dar inne si begegene. den rechen wolden gan.  
da wart vil michel vli;zen. von schonen frowen getan.

